

南陵蘭孫尚書大全文集卷第三十四

序

丹楊集序

孔子之徒三千設四科列顏閔以下十人而文學政事澗游夏求由之賢不得可而魚也將相大臣端委一堂折衝万里以身進退為國輕重其視文章一小伎耳固無羨於空言儒學之士奮身事主以就功名時命大謬則退處一空著書立言張皇大中啓悟後竟雖不見於事業亦足以不朽矣二者不可得而魚亦其勢然歟右宣奉大夫顯謨閣待制丹揚葛公自髫髻以奇童名里中年十六隨計詣京師連三薦至禮部遂收其科文節林公子中愛其文薦

試學官公以詩書禮三經應詔又試宏詞皆中第一於是
名聲隱然動京師始去州縣更內外學官之選校中祕書
入尚書為郎當是時天子輯瑞應菟講你父報禮上下四
方以符瑞來告者不可勝數大臣表賀皆出公手瓌奇英
麗獨步一時公鄉大夫交口譽歎謂公即日典司制命施
之朝廷薦之郊廟以追湯盤周誥商詩魯頌之作稍近太
常以卿國子祭酒擢大司成遂躋法從會新宰相用事與
公有連補郡去國公聰明疏達典數大州首除一二凶猾
之亂治者寘諸法然後節簡踈日以柔道之理而尤詳於
折獄躬自臨聽不以屬吏往往得其情於片言以故所泣
多平反無侵寃者燕山之後詔州縣率免夫錢而以乏軍

吳侯官吏之不如詔者公時守湖度六縣民力所堪奏蠲
其半湖人至今思之公施於政事又如此既後有司議行
易名以道德博聞日文安樂撫民曰康公應二法謚曰文
康政事文學可謂兼得之而卒不大用可為天下惜者也
公之子吏部侍郎立方裛次公詩文為八十卷號文康葛
公丹揚集自天得德地業五材万物變化隱顯鉅細之要
世治亂人賢不肖事之得失是非吳瓌之理盡載此書而
尤喜為詩喜怒窮泰悲憂愉佚陵高眺迥飲酒歌呼雜然
有觸於中則大篇長句援筆立成不改定一字非如前世
之士以一能一伎列於儒林者比也某與公同州里視公
為前輩盛德而與公羣從游最久故蓄公詩文為多故今

所藏猶自在八十卷之外者侍郎公方紀次別集未出也
殘年提老復睹鉅麗如獲拱寶三歎之餘乃序次以為公
書首公諱勝仲字魯鄉常州江陰縣人遺奏上贈持進云

唐史辨疑序

昔司馬遷為太史遭李陵之禍而不忍弃其父將死深悲
之言悠然於刀鋸縲紲之間細金匱石室之書以卒父業
其後班固因之著西漢書十餘方言大抵自武帝而下皆
述史記本紀夫西漢之君十二享國二百餘年以班馬天
下之奇才更父子世筆削潤邑之功而從後一代之典煥
然與日月爭光而不可有加焉 本朝仁宗皇帝始詔歐
陽文忠公宋景文公更脩唐史才十九年而書成二公出

處離合不常故表志傳記所載諸臣氏族爵里卒葬年
月日考之多不合臨江吳君魯江左秀出之士也疏其不
合者數百條集而錄之為一書號唐史辨疑品章條貫以
類相從使學者一睹而盡得之子讀之喟然歎曰自崇寧
月書季改之法行天下士皆弃書不讀蹈襲已試之陳言
以眩有司之耳目而佻倖於一中扣之盖空空如也吳君
年才二十三篤志詞章無他嗜好而尤邃史官之學故於
唐三百年君臣行事興衰治亂之迹判然如指諸掌更加
以數年盡讀天下之書折衷二家之說孰是孰非孰得孰
失如杜征南顧秘書左丘明班孟者唯吾君為可也

巢鳳亭詩序

大鄉閭立公熙寧中以文辭擢高第仕三朝光顯矣子孫
蟬聯冠蓋相望為東州大族紹興辛酉公之孫叔智以右
承議郎為縣於常州之宜興生子曰亮好學善屬文年十
九年舉進士一上中之方其試禮部也携所試文見樞密
胡公公歎賞久之曰青錢方選之文也語未竟而報問至
如公言蓋自大鄉公以名儒起家更三世六十有七年而
後叔智有子復以文學顯名取名公舊物家聲隱然暴發
於寂寥無聞之後縣治在州之西南百二十里父老相傳
邑大夫自賈魏公去為鄉相代不乏人有如佳公子以未
冠之年發策大庭決殊科為親榮諸儒歆艷為一時縉紳
光燁則創見於此縣圓團團有亭屹然在林薄間叔智下
軍之初聚書延賓友命其子肄舉子業於其中於是胡公
即其處名之曰巢鳳生客皆賦詩以侈大其傳而屬予為
序歲次壬戌五月日晉陵孫某序

刻鹽集序

覲以罪貶万里之外念家懷土烏得無情間遇山水登望
之樂朋遊尊俎之娛一時居行之次悲愉歡戚詠嘲調笑
隨所遇輒作數語以韶次之亦如聞蛙便當鼓吹非敢以
為詩也若夫觸刃之狂撞鐘之適然頃琢肝之奇擊鉢然
莫之敏此騷人夸雄鬪麗之作非放臣縱心虞意之詞觀
者或有取焉於是錄為一篇歸示親友紹興五年二月日

晉陵孫覲序

趙若拙子字序

太宗皇帝七世孫名善發晉陵丞若拙之子也余過若拙若拙置酒酒半善發欲出見而過疾方愈不可以風乃出紙索余書余已被酒不果他日若拙以書來請命善發字而為之說余聞之孟子曰仁者如射射者正己而後發發而不中則反求諸己請字曰正己夫射之為藝當已正而發一不正則失於邇者在毫釐之內而差於彼者在尋丈之外矣孔子作春秋二百四十年間字而不名者十二人而已吾子識之異時出而從事發一念發一言發一政沛然如機括之行不可回止必正其心身而後發則春秋十二人之徒也

送王子欽歸葭子序

王子欽本將家子高祖太師克國公被遇 貞宗號十節度克公其一也靖康國破子欽從兩兄避地襄漢之間未幾襄漢亦大亂子欽遇盜幾不脫盡亡其貲羸身獨行浮湘江並衡山少留桂道陽袁吉遂抵江左會予得罪南遷又從予走臨川道涉塗水復繇衡湘路踰桂嶺出象江上子欽慷慨有氣節喜讀書尤長於詩轉徙六七年不知家在亡往往縱酒歌呼自遣余不嗜酒亦復歡然竟日而不知身在客中也居久之蒙恩北歸又携以俱比至晉陵從余殆十餘日也至是其兄以兄書自葭子至一兄與子欽同時遇盜以沒而子欽之婦與子俱無恙葭子在西南距

晉陵五千里子欽貧無以歸乃飄然徒步而往一夫荷檐以從余不能留也乃舉酒屬之曰大夫貧適逢世當折足箠笞兵万里外一取單丁不幸志不就則捐軀戰場以馬革裹屍而歸者有知之矣或馳單車絕大漠使不測之虜齧雪殄檀杖節海上而其婦已更嫁者有之矣或遭遇明主置諸左右不幸小人居閑閭中以危法則投畀嶺海之隙侶蟲蛇禦魑魅而不得歸者有之矣今子欽久客不遂而困垂橐以歸跋涉山川蒙犯霜露不為將不為使不立於爭地而有兄弟妻子相見之喜一日入竟願省其家嬌兒佳女天吳紫鳳顛倒短褐之上叫怒索犯飯問事說須在昔人不堪其憂而子欽阻絕於兵亂六七年之後一

笑團樂乃可樂也然則子欽去之果而余不能留也豈不
豈哉

送方嘉謨判官序

崇寧元年秋故司業方公自安吉宰持漕檄抵常州考進士試今平江守大學士張公褒然為舉首而予亦在選中時吾州之士羣至於有司者三千人鄉老儒先以經義授諸生為領袖者蓋以百數余少年貧甚居間碌碌無可稱道一旦被蒐選薦名於禮部閭里宗姻往往驚眙改觀余亦感厲自奮讀書屬文不專治舉子業未踐兩科登冊府隨牒推移遂忝侍從而以剛褊自用屢觸罪罟流離蠻獠瘴癘之鄉崎嶇兵火盜賊之際齒髮缺壞志氣衰落野處

一廛學為農圃遂將老死泯沒於無聞矣以是有愧於公
紹旦丙辰公子嘉謨顧予田間追惟平昔執手出涕嘉謨
仕州縣二十年猶未脫吏部選廉介少與舉朝無半面之
交予亦擯於時不用兩窮相遭熟視而嘆嘉謨又將卜見
於平江幸一遇焉余曰張公巨人長德中外望以為相部
使者爭欲出其門儻發一言之重出予於銓曹冗散之中
非有挾太山超北海之難也人情不堪其相遠以予懷方
公之德悼吾子之窮豈得藐然而已哉嘉謨曰大臣之度
以天下為公道進不私其親舉不避其讎豈謏然記小惠
以出於常情之隱度乎故書成輒毀已進復欲未敢前也
予笑曰子第往人言第五倫无私雖然第五倫又能安無

私也歟

送鄒次魏序

余友鄒次魏宜黃人余貶官象江道臨川識之比余蒙恩
解囚籍賜骸骨以歸蓋五年而次魏亦再至焉次魏彊學
博記非古聖賢之書不讀朝吟暮誦尤喜左氏大史公班
孟聖韓吏部之文溢為辭章俊壯豪健意與古作者並嘗
一試禮部不合初持一心不為寵辱少貶以求助於悅已
以故學益富文益工而道益窮臨川距晉陵水陸二千里
余方追笑前謬閉門面壁自足於一丘一壑之中次魏索
其文數万言粟糠襍被不避風雨不求當世名公卿有氣
力者發物揚囊大以光耀於一時而汲汲焉求余如恐不

反氣類全大識趣卓然不與今之君子為類而獨以余為
可紹與十年春天子詔求天下士次魏奉親命將獻其
所為文於有司而告余以歸余舉酒而言曰古之道無所
用於今也之有司歛羣材而槩以一法錄也而稱之一毫
不中程雖有怪竒瑋麗驚世絕俗之言往往棄不錄次魏
讀古書季古文擇交取友所謂陳人非時俗所尚而近於
迂闊子行矣余未知今有司以為可不可也

送祝得之序

戶部祝公初以進士起家上饒紹聖中繇尚書郎出為部
刺史道過光黃間顧見林壑深茂意欣然樂之既老僂游
買田築室居焉聚百口為寢丘大族今臨川教授文林君

得之公第四子也靖康建炎天下盜起得之兄弟携孥官
四方皆遇盜以沒而得之獨無恙然幾亦不脫虎口得之
泣曰吾不幸一門殘於盜吾不忍獨生於是健炎間行絕
江並長淮抵淝水上即其兄若嫂與其兄之子遇禍之處
卜地葬焉又循淮北走荆湖披榛莽沐霜露觸虎豹踐蛇
虺冒万死一生之地訪其兄之孤於濃陽而得二雛於民
閭捐重幣贈之與還俱蓋周走水陸往返殆六七千里寒
暑易節而後得至於此也已乃詣公車上書其事告於
韓朝詔錄其孤二人者而得之訓導拊養積六七年皆為
成人男曰某今附尉常之晉陵女擇士歸之而畀以所命
官於是得之亦赴臨川而過余別余曰得之負高世之行

卓為措紳標表公卿大夫舉知之又嘗以文辭射策中甲
科且十年方仕江左以經術授諸生而未進於朝為可恨
也余聞漢盛時三老孝弟二千石而賜爵為父後者至舉
直言必求於博樸信厚有行能之士以故妄言而行假仁
義探囊誦詩禮叢冢而以矯妄欺世取名者皆擯不用故
功利之實著見於天下而孝宣總核之政中致與焉今豈
不如古耶得之必不久留於大江之南也

送鄒志新序

某以紹興二年負罪貶嶺外道過臨川少留志新自宜黃
馳二百里勞余於曹山佛舍一見如舊識未幾志新之子
次魏亦至次魏少年有聲場屋間袖中出所為文清雄雅

奧有作者風而執禮恭甚如見所畏者四年某蒙恩北歸
抵臨川志新父子來逆於境上余感其意枉道二百里相
隨至其家為治具三日時送客皆止於宜黃獨志新追路
至城東角上歲一遣介持書餽問安否又四年而志新自
臨川至志新剛介少與不交世事屏迹杜門雖鄰牆不相
請謁乃獨願予於擯弃流落衆人籍躪之中別去數年相
望二十里外一日具輕舟臨門墮刺驚眎且喜倒衣從之
執手懽然東燭相對接語迪昔恍如夢寐蓋留十日而後
返也某謂志新曰爭名者必於朝爭利者必於市今天下
之阨窮遺佚於車轍馬跡不接乎朝市如吾志新者幾希
矣東馬梯山東乘浮蹈海探穴將猛虎之鬚泳河嬰驪龍

之領雖機穽當前抵肩而不顧然後入手爭先有力之強者志新惟無所求也故千里命駕不於朝不於市而過余於羅爵之門促席晤言不及榮利具盡而逆翮若虛舟此天下之奇男子非世之所能量也余何德以堪之酒行書之以識別云

送刪定姪歸南安序

惟山川清和淑虛秀絕之氣磅礴委積於天地之間當為一時高材勝士騷人墨客攬取以為文章翰墨之用唐李太白周覽四海名山大川一泉之旁一山之阻神林鬼冢魑魅之穴猿狖所家魚龍所宮往往遊焉故其為詩踈蕩有奇氣張燕公以大手筆擅天下左宦岳陽而益清婉人

以謂得江山之助某族凡恭政公之子曰大雅自少時已有能詩聲句出驚人無一詞常談陳腐之語會恭政公謫泉南再徙江右而置家於溫之永嘉於是稍出而涉世周走數千里外踰閩嶠泝劔川並朝陽南海之涯出庾嶺下已乃泐章貢躋廬陵道臨淦水以望豐城繇撫信衢嚴人于吳中少留錫山冢舍航漕渠瞰淞江之濤窺禹穴徑剡谿循天台路以還五六年轍迹半天下山行野宿高望遠慨然想見古人而尚友於千載曾中浩浩焉與曩者異矣一日畫素所為詩數百篇出而示余清新綺麗姿態橫生如煙雲之吐吞草木之華滋山水之奇秀間見曾出靡有定態信乎所謂得江山之助者也頃恭政兄以文儒宿學

命一世濟顯仕為時宗公至是闔門却掃焚弃筆硯不復為文乃有子嗣守家學而潤澤之學成行尊議論日新峽峽犖犖立乎聖賢之途遂亢吾宗余三復其詩嗟嘆不足持行矣迺遺之以言俾持歸以為親壽

送張承親祖赴嘉興掾序

大理寺承丞贈正奉大夫張公以廉靖清脩聞於天下司馬溫公特深知之崇寧初沒於鎮江之金壇寓舍既沒而家益貧正奉生三男子獨好謙為壯子處文文仲誠尚幼也於時里中長者飭子弟從好謙受業者數十人而處文從其尤學尤俊異日以有聲未幾好謙策進士第稍遷太學官處文亦中甲科試詞學兼茂又中之擢升毋府入尚

書為郎歷左右試中書舍人而好謙通判祁州不幸遇疾以沒處文^方文迎孀幼養會靖康建炎之亂奔散四出處文寓晉陵婦家得疾又不起後十七年余送處文之塋始識好謙之子超宗者美秀而文進止占對皆可喜余歸謂舍弟季益曰好謙力貧教二弟處文遂以文詞中兩科躋法從為世間人好謙官止朝奉郎又不幸蚤世今見其子頭角峽然余固知好謙之必有後也時季益方為幼女擇壻遂以歸之好謙沒時超宗方在襁褓中安人知古今善談論前言往行歷歷可聽超宗讀書識字皆安人手自教也超宗亦孝謹食貧如其翁時日孳孳營一味之甘唯意之適今將赴嘉興掾喜而告余曰栖栖法曹掾韓吏部嘗

辱君之在超宗足以貸負米之勞矣余亦為之助喜且曰
天定勝人此古語也好謙高行著於家閭位不滿德奄忽
下世今有子矣姑勉之以待其定超宗出絹素乞余書遂
次其語為序以送之

詩自蘇李更號抵建安七子晉宋鮑謝之作至唐極矣而
李杜韓柳勝妙獨出格力自天凌跨百代為古今絕唱本
朝王荆公蘇東坡以道德文學師表一世詩律精深句法
高妙固已追配商邦魯頌而其著論尤難於用韻師武據
取四家韻語類聚群分會而為一不待旁搜博採開卷了
然盡於一睹如觀武庫之兵宗廟之器粲然畢陳于前矣
余觀昔人即席賦競病二韻率然而稱工終日琢句擬推

敲二字而書空畫不能定則是書也騷人墨客得之推見
古作者措意立言於用韻之間以助發妙思可以得師矣
師武宣和丞相少宰之子妙學強記讀杜子美古律詩十
八卷通念不遺一字學春秋尤深於左氏為工文為詩官
右朝散郎監行在糧料院名濱老師武其字云紹興在庚
辰五月 孫某序

送刪定姪倅越序

見鴻慶

聲律之學盛於楊劉號西崑體一時學者師慕駢四儷六
枝青配白然須鬣琢肺肝鐫磨鍛鍊以求合程度故有言
浮於意者有不盡言如夏英公牋表皆是物也逮慶曆嘉
祐間歐陽文忠公以古文倡而王荊公蘇東坡曾南豐起
而和之文章一變淳深雅澹迥復古初文真而率核意盡
而言止譬之行雲流水遇物賦形體皆自然不見刀尺於
是翕然以為宗師刪定大雅姪余愛其尺語竅工迹來作
箋啓他文亦稱是比赴會稽別乘携文過別詞句溫澹不
類舊常大抵能道意之所欲言而艱難辛苦之態意旨
畢暢自中律呂蓋進乎技矣熙寧初曾南豐自冊府出為

越俚類藁中有云臥龍齋作者即越俚所為文也其序鑑湖數千言引古知今盡得一湖數千載利害之實議論詳博文詞雅健如西漢一志今刪定姪亦踐此官退食之餘書讀未見之書資其壽以與古作者並余又將觀其文以為探道淺深之候歲次己卯十一月日

谷盈通說序

見鳴慶

余友呂叔共有聰明敏達精練過人之材可以治劇任重而投閑不用歸治一室取舊書讀之自號谷盈子叔共故觀文東平公之孫自少時侍父祖觀道德聽教誨博考傳記得古聖階行率之迹與夫一時先生長者播紳大夫之談浮圖老子方技之衆說凡可以本人情輔世教為日用

常行脩身治心之要而不及入於罪悔者集而錄之為一書號谷盈通說叔共曰士有採薇茹芝餐檀蘆雪掘鼠餘而食者有衣破肘見履敗踵決懸鷄百結以為衣者吾不以望於人以此望於人則不通矣士有脫駝指困捐千金以周人急者有嬰龍拏虎仗劍以死王事者吾不求於世以此求於世則不通矣吾所著善言非驚世駭俗之言皆人所當言者吾所著善行非崖岸斬絕之行皆人所常行者所欲為者非不取也取其所可取則謂之公廩所欲為者非不予也予其所可予則謂之公廩好名非也吾與之好名無欺愚惑衆以干名求富非也吾與之求富無妨神若形以聚富持數珠者記善也胡不記惡則成吾善

矣。營資產者招生也。胡不治死。則善者生矣。聞人過。勿
怒。修德以致吾義。強辯以立我者。理必屈。莫若從衆。勉強
以從人者。勢不久。莫若任運。以至事君親。治官府。居鄉黨。
正閭閻。交朋友。奉祭祀。遺子孫。御僕妾。一皆出於常道。坦
然明白。易知易行。無甚高難。行之論。無迂濶難信之語。斷
然如五穀。可以療飢。藥石。可以代病。茲所以為通者歟。
叔共又曰。貴者稱君子。賤者稱小人。此其外也。勿視以為
輕重。余觀優人被衣冠而坐。指揮叱咤。旁若無人。忽然褫
去。為牛童馬走。則捕而受笞。此一人之身耳。貴賤何以異
此。叔共又曰。譽者為佛菩薩。毀者為禽犢。非其實也。勿聽
之。為喜怒。余觀兩手拱而揖人。則欣然而喜。戟而詈人。則
佛然而怒。此一人之手耳。毀譽何以異。此是書也。可以書
紳。可以銘。坐可以終身行之。而立於無過之地。是故不可
無傳也。叔共名靖。官右朝奉郎。叔共其字也。紹興歲在庚
辰五月日。晉陵孫某敘。

矣。潛者產者。招生也。胡不。治死。則善者生矣。聞人過。勿
怒。修德。以致吾義。強辯。以立我者。理必屈。莫若從眾。勉強
以從人者。勢不久。莫若任運。以至事君親。治官府。居鄉黨。
正閭閻。交朋友。奉祭祀。遺子孫。御僕妾。一皆出於常道。坦
然明白。易知易行。無甚高難行之論。無迂濶難信之語。斷
然如五穀。可以療飢。藥石。可以代病。茲所以為通者歟。
叔共。又曰。貴者稱君子。賤者稱小人。此其外也。勿視以為
輕重。余觀優人。被衣冠而坐。指揮叱咤。旁若無人。忽然褫
去。為牛童馬走。則捕而受笞。此一人之身耳。貴賤。何以異
此。叔共。又曰。譽者為佛菩薩。毀者為禽犢。非其實也。勿聽
之。為喜怒。余觀兩手拱而揖人。則欣然而喜。戟而詈人。則

佛然而怒。此一人之手耳。毀譽。何以異此。是書也。可以書
紳。可以銘。坐可以終身行之。而立於無過之地。是故不可
無傳也。叔共。名靖。官右朝奉郎。叔共。其字也。紹興歲在庚
辰。五月。日。晉陵孫某叙。

南蘭陵孫尚書大全文集卷第三十五

賀正啓



與鎮江劉都統賀正

某啓一氣不頰進念交泰之難逢四序太平分慶履端之
有俶共惟都統節使太尉戰勳出諸將帥之右智略得古
兵家之流空萬竈之煙已徹秋防之警按諸營之柳佇瞻
春事之新迨茲穀旦之臨且奉椒觴之薦柴門寂寂正服
老農夫抱甕之勞幕府潭潭但想大賓客盍簪之盛

與莫守賀正

某啓桃符逐厲俄驚一歲之除椒頌薦馨馨共慶五朝之
會共惟知府郎中佐王之學當陪國論承流之寄尚布藩

條寅奉夏時肆頒堯曆進牛鞭而占歲凭熊軾以班春咸
欣欣聞鼓樂之音舉熙熙有登臺之樂東閣之梅紀瑞已
開故歲之花南國之棠交陰留誦他年之慶

回鎮江劉都統賀正

四序平分歲星更始三陽彙進鄉月高升共誰惟某官門
地山西之豪時望斗南之傑磊落掀天地一丸泥可封百
二之闕叱咤生風雲半段槍可破十萬之衆爰介春祺之
慶猥先故物之求緹綺鼎來函書拜辱渴心不展空懷賀
厦之私輿論可占竹有築壇之拜但深欣頌莫究名言

二

炎正嗣興接千齡之統王春肇序登四海之圖惟時百戰
之多宜受朋來之祉共惟某官鞭笞犬羊之衆號漢飛將
軍駕馭貔虎之師爲唐大都督名書鍾鼎勳載旂常迨茲
熙旦之逢益茂春祺之介倚瓜牙之衛夕外摠於師干咨
帷幄之籌盍坐圖於廟勝其為欣頌莫究名言

三

歲律嗣興陽明彙進山無紀曆但驚寒暑之更客有疑年
重起泥塗之嘆共惟某官高情耐久偉量鎮浮長鳴司風
雨之晨特操冰霜之節爰履三正之吉方取新厭故之時
獨占一帑之書皆悼岳陽屯之意拜嘉甚寵懷惠靡忘肅
肅初筵莫賦椒馨之頌區區微贄但分芹獻之心欣慶之
私占言難盡

四星
四星既復端月嗣興一元資萬彙之生諸福會三朝之慶
共惟某官竒麗福艾碩大光明謀初百中而妙若穿楊善
後萬全而勢如破竹履端茲始錫羨有初建大將之旌行
占郭令中書之考聽輿人之頌盡歌魯侯三壽之詩瞻頌
之私敷宣罔罄

五

藏冰北陸四序歸餘迎氣東郊一元更始共惟某官執干
苞殿崑之峻建牙分戎闡之推千載逢辰三朝受祉桃弧
棘矢山林無魑魅之逢栢葉椒花壑谷有吾公之樂眷言
幽屏遠墜珍投原田苒苒敢有圖新之願綈袍戀戀空懷

求舊之私

六

履三朝之會方占參尾之中登四海之圖今在斗牛之次
有開令序允屬休辰共惟某官肇履春元密膺帝賚揔戎
旃之重有嚴帥閫之雄聯貂冕之華宜視公槐之貴名偕
日起道與時亨壽福而臧行致百朋之復老衰而老又驚
一歲之除

七

治曆以觀天象式序三辰作經以謹王正蓋尊一統共惟
某官器深而博行直而方六竒淵祕感鬼神一節英明貫
金石三微紀月欣穀旦之親逢四德躡元宜春祺之協應

爰擁師干之重久資戎翰之良疇敵愾之勲已紀雲臺之
象揔嚴凝之護行資武帳之籌

八

星紀初回春祺紹至三陽朋進一德上行共惟某官沉雄
宏毅之姿竒庵福艾之相奮空拳而扼虎九絕藝以屠龍
入護中宸作朕心膂出膺外闥為國爪牙履茲贊陽出滯
之辰宜介小往大來之吉元戎十乘可擬金城百雉之崇
袞服九章行應台躔六符之象

九

玉曆頒正象魏布法千歲之日於此起端一旦之逢自今
作始共惟某官盛德介百神之祉勞謙忘千乘之尊悼故
老之遺已迫桑榆之晚暮納履新之慶宜同草木之欣榮
跽誦拜嘉占詞叙感明月空塵於大貺陽春莫儷於好音
欣頌之私占言難盡

回強守賀正啓

太史書元上經撰泰三朝謹始萬寶趨新共惟某官魯國
真儒漢京循吏持達季將軍之勇一諾可重於百金妙絕
張公子之詩千首固輕於萬戶蓋葦氣相求於一道故外
沉靡間於殊途殆茲歲序之更獨見人求之舊賦椒盤之
頌莫瞻列炬之光分棠舍之陰亦預斑春之澤

回莊守賀正啓

五勝代興既周必復一元更始以故為新賢德所臨春祺

攸介共惟某官碩大光明之傑循良慈惠之師二千石班
春口土牛而得歲五百年在世摩銅狄以興嗟履運中興
逢辰交泰一城喜色欣欣上旄羽之塵四野春聲籍籍滿
袴襦之詠其為占頌難盡名言

回錢守賀正啓

頽齡餘幾見謂陳人端月載臨尚修故事門符執厲方懷
鬱壘之求齋釀先春遂解臺船之崇共惟某官威風惠氣
舒慄一方大冊鴻文斧藻萬物著槿帽而櫓羯鼓桃李驚
開叩羽絃以召黃鍾川池凝涸肇履三正之吉大均千里
之輦固欲從公共分一日况復如我獨有二天莫副願言
旦采欣頌

二

四序密移物無終否三微浸大福有朋來共惟某官躬誠
明之姿撫休嘉之運九歌申勸每懷天保報上之心衆正
彙興共享既醉太平之福逢辰茲始稱壽宜先自憐幽屏
之餘莫預駿奔之數獨無高論進輸拔薤之忠尚有寸誠
堪賦頌椒之什其為欣頌難盡名言

三

夏時御正周曆更端首三統以承乾交二儀而畫泰共惟
某官介藩均佚祕殿紬書頌履三朝親逢一旦日月十二
會已符管室之占春秋八千年宜介大椿之壽方修慶牘
遽墜嘉音雖涸轍垂枯久俟卧龍之起而孤根欲朽空觀

萬木之春

回江陰陰趙守賀正

門垂葦索盤頌椒蕃星回斗野之杓春入練江之色共惟
某官才高帝胃名著吏師與庶民共楚臺之風得賢者樂
齊宮之雪道載土牛之出遙知鄉月之臨門闥擁馬之喧
空想德星之聚方納履新之慶尤深懷舊之私黃絹占詞
白衣載酒渴心不展莫預西園飛蓋之遊食指可占詎有
北海空尊之歎其為欣頌莫究敷宣

回沈守賀正

銅渾觀象歲籥代終玉燭宣猷春元茲始共惟某官躬行
古道親值聖時方上聖解紘更化之初應君子連茹彙征
之吉逢辰有椒錫羨惟休黛耜省耕盍致九推之助脂車
入覲更䟽三接之榮

回周守賀正

魯經書五始之元漢儀紀三朝之會繫萬寶化生之日兆
群賢彙進之祥共惟某官哲謀肅艾之才正直靖共之德
親逢聖旦方興見晚之嗟頌履王春宜介朋來之福自憐
老去實聳遐瞻十指蒙休竊庇棠陰之舍一觴獻壽莫持
椒頌之盤

回莫守賀正

考音聲而太簇鳴候昏旦而中星見群剛浸長諸福朋來
共惟某官道大而時外德成而日進耆哲首臺之望風流

藩翰之良桃梗效靈藹千門之佳氣士牛占歲喧四野之
春聲凡附託於一廬舉涵濡於九里遠馳緹騎辱貺函書
椒盤頌花雖莫預阿咸之集屠酥送暖豈復憂范叔之寒
欣頌之私占言難盡

回葉守賀正

舜璣占七政之齊繫上聖樞辰之盛漢儀講三朝之會實
群公受祉之初共惟某官式古訓以裨身奉天時而布法
束縛群姦如束濕恢恢無涵網者養護小民如養雛洋洋
得其所哉迨茲三陽交陽泰之初有一視同仁之喜斗回
寅柄方行太守之春椒頌辛盤聊效野人之獻其為欣頌
莫罄名言

回郭守賀正

天王居正建大號以表年方伯承流履春元而受祉羣陰
消伏万寶欣榮共惟某官鍾五百年間世之英分二千石
名城之寄輿情樂只謠頌謂然屬剛德之浸亨且春祺之
攸介鋒車追召已塗芝檢之書荷橐聯榮行奉綸闈之直

二

盤頌椒花門書桃梗排羣陰於九地集大慶於三朝共惟
某官憑熊軾而應木行之辰進牛鞭以驗金穰之慶掃遺
蝗於積雪之下散鷲鳥於列炬之中方室安眠不聞夜吠
千門喜笑已作春聲布寬大之條以廣上恩發中和之政
以遵時令紆文二之組載觀嗣歲之興奉尺一之書行見

贊元之任

回劉守賀正

登重門之管謁葦索以布新盍四坐之簪頌椒盤而薦祝
共惟某官楸君子可行之德孰賢人久大之姿履交泰之
期應彙征之吉一元更始三壽朋來班塞防秋之師已寢
錢穀甲兵之間命西疇行春之駕共聞鍾鼓管籥之音斗
城之氣佳哉棠舍之陰沃若逢辰有倂受祉宜多坐使民
風同享春臺之樂行歸帝所旋趨夜席之前徒切頌言莫
皇慶謂

回王倅賀正

桑田蕪漫忽忽揚東海之塵蒲柳衰殘已迫西山之景壯
心空在來日幾何履茲贊陽出滯之辰舉有除舊布新之
喜共惟某官乘時顯晦玩世徜徉歌生民嗣歲之興應大
有自天之吉朋簪四合風流栢葉之觴句法一傳妙絕椒
花之頌每興懷於故友久編籍於遺氓遠墜函封增光莫
陸雍容坐上邦聞櫪馬之鳴骹麟門旁自笑桃符之換

椒盤嗣歲難鼓送寒茲惟万寶趨新之時獨見故人求舊
之意共惟某官秉心直諒蓄德輝光儒雅吏師風流別駕
日行黃道盍趨鵷鷺之行風振紫山尚琢鸞花之句恭承
嘉惠重以好辭賦谷風之三章度陽春之一曲欲回殘稿
復被青黃老病推頽莫預董秦之奉悲歌慷慨空傳宗武

之時感愧交懷占難言盡

回向倅賀正

四序更端二儀交泰接千載題期之盛宜羣公受祉之多
共惟某官明哲保躬儒雅飾吏順履天正之吉密迎神貺
之休椒頌傳馨莫預一履之薦鋒車趣召佇觀三節之趨

二 甲子太歲

天德更端人正肇序清臺課上元之曆方呈珠璧之祥絳
人推甲子之年遂軫泥塗之衆伏遇某官高文起廢妙語
噓枯大聲追木鐸之音絕唱儷陽春之曲屬介頌椒之慶
俯賡伐木之詩眷茲衰朽之餘被以青黃之飾高懷落落
曲敦耐久之情老語諄諄但有流年之感

回平江趙倅賀正

日薄西山已迫桑榆之晚春回北斗又觀椒栢之新茲蓋
伏遇某官德厚鎮浮道直矯枉頽下俚炎涼之態每形於
令尹三仕三已之間而故交久要之情獨見翟公一死一
生之後敢圖衰景猶被頽存垂褒華袞之章加貢緋袍之
舊老冉冉而將至空驚嗣歲之興物欣欣而向榮已被先
春之暖

回趙倅賀正

莫景飛騰自逐桑榆之暖風光流轉又驚椒栢之新署新
桃以禦不祥掀擗壤以求如願未能免俗且復效顰伏遇
某官順履昌期寵綏故友一言起廢奮百摯於坵戶之中

老物增華茁九芝於枯枿之上

回汪倅賀正

蓋茆容膝面壁觀心不知海朔之遷但覺暄寒之異圖鬱壘之象莫驅五鬼之窮進屠酥之杯豈恨一翁之後茲蓋伏遇某官收憐衆弃僑拂羣庸方當嗣歲趨新之時獨見懷人求舊之意疾風拔木勁草之立巋烈然火流金韞積之藏自若重遺緘翰申既頌言蒲柳餘齡方受一厘之託瓊瑰妙語空留十襲之藏

回西倅賀正

太史序年天王布法實大寢居青陽之月正閭闔開黃道之辰共惟某官茂介春祺光膺帝賚方天下之籲俊且雲

翮之離潛分庭燎之光尚愁寂鷓行之斷燕朋簪之盍寧飄零栢酒之悲屬茲編籍於農圃之中莫復奉觴於賓從之末誨存俯逮衰老奚堪已見王春遠度玉墀之上更觀卿月高外金臺堂之間

回宜興陳宰賀正

北斗回杓歲星始見東郊載耒農扈將興共惟某官豈弟宜民忠嘉許國未展雲霄之步尚安枳棘之栖進服邇僚師言惟允親逢熙旦賢路方開盍紆畫纈以䟽三接之榮更爲春醪以介千齡之壽其爲欣頌莫喻名言

回無錫馮宰賀正

魯經表首事之年漢儀範朝正之月木行履運金奏宣赫

共惟某官德蔭為老成人豈弟為風化首親逢熙旦坐擁
扈禧更桃符於兩戶之間所閱固多矣飲屠酖於衆稚之
後而壽莫量馬勒重一騎之臨函拜朋緘之辱嘉言慰籍
温然如勞酒之醺老語譔諄叢尔貞祭魚之獻

回晉陵黃令賀正

周星既復端月初臨刻桃梗以厭天行飾土牛以戒農事
共惟某官獨高政事之選衆推慈惠之師治千乘之賦而
辨多多最百吏之課而書上上爰復三朝之吉茂迎百順
之嘉籍籍羣氓唯懼瓜時之及諄諄一老空懷芹獻之心

回平江胡司法賀正

璿璣驗中星之見以紀王正象魏布端月之和以前民用

共惟某官識洞陰陽之緼氣疑天地之中妙語春容暖於
布帛大篇舒卷燦若煙雲適臨亢吉之辰宜集善祥之慶
重勤大貺遠隆嘉音間與人之紀年敢冒復陶之寵賦阿
戎之守歲空驚莫景之斜

南蘭陵孫尚書大全集卷第三十五

南蘭陵孫尚書大全集卷第三十六

賀冬啓

婚啓附

與鎮江劉都統賀冬

某啓吹北竹而音諧布重緹而氣應三微著象玉緯宣光
共惟某官万斛巨川之舟千雉大邦之屏手揮羽扇舟中
敵國何有哉坐擁戎旃席上過師乃如此履休明之盛旦
介億萬之厯禧疇衛社之勲行布白麻之號享銷兵之福
逐臻黃髮之期欣頌頌之私占言難盡

與梁倅賀冬

其冬吹北竹而音諧縵重緹而氣應三微著象五緯宣光
北山某官一門万石之家四世五公之胃印金斗大珥玉

蟬聯累朝閎閎之華弈世衣冠之望未展赤驥追風之足
尚淹紫鸞止棘之栖屬天心籲俊之初屆陽德離潛之慶
於時測景方知刺繡之長時遂披雲大慰頌葵之望其為
欣頌莫罄敷宣

回鎮江劉都統賀冬

時乘玄輅氣兆黃宮占昏旦以候軫壁之中謹蓋藏以待
陰陽之定共惟某官得一編書於神所授出六奇計而世
莫聞控帶二江猶傳鐵甕折衝千里是一金城履茲陽復
之辰宜介朋來之福追鋒亟去行超三衛之雄授鉞重來
更摠十連之重

二

一德時升際上將逢辰之始三微氣應宜百神薦祉之多
共惟某官威名懾鳥鼠之戎圖畫冠麒麟之閣一戈卻日
天地與之低昂万馬追風山嶽為之顛仆履茲陽復坐擁
神休望金谷之塵遙想盍簪之盛卧漳濱之疾莫伸賀履
之私

三

嶰竹十二箛以製律木而鍾聲出應土圭尺五寸以求地
中而線景迎長共惟某官握虎豹之韜摠貔貅之旅跨追
風之飄超月窟以窮探乘問漢之槎挽天河而一洗逢辰
休顯受祉鴈雁占魯臺之雲坐見葱葱之氣望長安之日
行瞻穆稷之容欣頌之私敷宣莫罄

四
肇一氣之元正八風之序日居木上迨休復之祥雷藏地
中實奮豫之始共惟某官山西將種斗北人豪三令之行
凜如負雪之嚴一怒之威若迅雷之震勤勞百戰感會
千齡方剛德之寢亨宜厖禧之收降出分帥閩秉大將鈇
鉞之權歸護殿嵒正祈父瓜牙之命

五
繫金鍾而効氣定五日之中比玉琯以考聲正八風之序
共惟某官尊俎厭未形之難鼎鍾銘不賞之勲當大人繼
照之明應君子彙征之吉帝寬憂碩神聽靖恭受祉未可
量逢辰自今始聞鼓鼙而思將帥佇觀祈父之歸羞蘋藻

以薦王公聊致野人之獻

六
太初更漢歷之元招搖紀夏正之月道隨剛長福與時升
共惟某官四嶽藩翰之臣万夫貔虎之師声名震夷夏忠
義貫神明方一陽氣應之初實衆正上行之日六纛啓重
侯之貴已登將聞之崇九芝塗細札之書行踐樞庭之拜
未皇慶謁旦激歡棕

七
晝參日表夜考星中八能之士板書以奏五音三重之室
緹縵以候一氣共惟某官生孟取庚寅之日應上元甲子
之辰迎連珠合璧之祥擁錫香凋戈之貴名參柱石功載

旂常魁然斗北之豪久揔侯 之重踐此日南之慶亟趨
帝席之前

八

距門墻不能百里遶旌祭亦累年忽驚紀律之新又見陽
朋之復共惟某官受天大任秉國中權入扈殿崑擁漢將
南北軍之衆出揔戎索陳楚師左右廣之容逢浸明浸昌
之辰介時万時億之祉望青油之幕想見元戎青革之飛
述銀筆之辭聊効野人食芹之薦

九

黃宮之氣應方調嶰竹之音紫壇之燎升首被蓑蕭之澤
共惟某官浩浩稟堪輿之氣英英鍾河嶽之靈會天子躬
三歲一郊之儀而上將擁七日朋來之福端闡發號宣室
頒鰲鴻名增帥閩之崇細札奉爾書之寵自笑匏瓜之繫
莫預榮觀但有野芹之甘欲分貴獻

回錢守質冬啓

六館鳳鳴奏伶倫之律五星珠貫符太史之占一德撫辰
羣公受祉共惟某官進非師錫出爲時須秀鍾河嶽之靈
氣塞堪輿之大賢如趙成季熙冬日之溫文似張兵曹藹
藹春雲之熊時乘豐大順履鴻龐千騎森然方擁憑熊之
貴一翁毫矣空懷賀燕之私

二

衡占炭仰瑄侯葭飛衆正上行百神來燕共惟某官台高

哲艾文擅詞宗見王千里而來獨出漢諸臣之右舉國一人而已孰謂魯真儒之多親值聖時具膺吉祿蔭堯雲之潤寧煩臺祿之占瞻舜日之華奚俟土圭之測

三

六氣宣赫八風順序聖人觀象見天地之心君子安身待陰陽之定共惟某官道尊而日損德進而時行綸閣細書紅藥應五花之妙斗城問俗彤禧燠三組之榮屬陽德之離潛宜陰靈之薦祉方興未艾與日俱長俾壽而昌逢辰茲始莫伸慶謂但極歡悰

四

天正著統陽德離潛黃宮調六氣之元清臺表三辰之瑞共惟某官學惟古訓道與時行盛大光明接十齡之熙旦奇厯福艾擁百順之鴻休方膺共理之求已促追鋒之召感寸陰而惜日喜添絲線之長待甘雨以為霖行被衮衣之拜

回強守賀冬

土圭測景鍾律均聲羲文占七日之亨漢曆表三辰之瑞共惟某官游夏淵源之學龔黃慈惠之師具万善而齊百神訶護順一陽而復五福朋來燕寢凝香鈴齋坐躡頤憐衰謝申貺頌言迎愛日之長已踐化人之國快景星之睹遂窺刺史之天

二

雲師書物日御迎長以兆氣元遂正律本共惟某官學王者之事值聖人之時謝吏部之文章二百年無此作矣李將軍之才氣万户侯豈足道哉逮茲淮陽卧理之秋久竚宣室受釐之對鳳鳴十二坐迎交泰之期鵬擊三千亟觀遠大之業

回郭守賀冬

三正冠天統之元七日驗陽朋之復龍離潛而現實大人繼照之初鳳覽輝而翔應君子彙征之吉共惟某官德由日進道與時行倬彼雲漢之章爰告魯臺之慶薰然慈仁之德聿資周翰之良歲美和政平訟息盡奉追鋒之詔亟歸調鼎之司人望旣孚師言惟允某屬有魚菽之祭於先人敝廬之下莫申燕爵之賀於使君燕寢之前茅賡擊壤之謠聊効食芹之獻

之陋占望魯臺雲物之瑞寔應商鼎霖雨之求一陽進而道與時行衆正興而福緣類至畫室應圖而龍見行綴甘泉法從之聯尚方賜履而鳧飛已著方丈真仙之籍其爲瞻頌難盡名言

回江陰趙守賀冬

灰心久矣不復競辰暴背欣然未忘愛日忽墜綈袍之信有踰袞服之華共惟某官建牙當七十城剖竹猶二千石諸休帝籍挺秀儒林玉具高柱願真江山風月之主金印

大繫肘寔崑廊柱石之姿履華旦之休明悼窮交之獲落
剖雙魚之尺素空慙強食之言分九醞之霞觴應笑猶醒
之陋

回王倅賀冬

望金谷之塵固非一日儵少林之壁亦復累年莫伸與梓
之恭奚道負荆之咎茲蓋伏遇某官情高皦日義薄曾雲
悵陸甌之空已同弃物軫遺簪之舊終未忘情屬君子之
踐長悼孤生之永已千鈞借重俾蠅木為先遊之資一語
吹生謂死灰有復然之理其為欣荷莫究頌言

二

圭景迎長珠星紀瑞推筴啓十齡之運拔茅連衆彙之興

共惟某官儒學發身三冬足用靖共介福七日朋來茂對
休辰寵緩故友加惠桑榆之晚甫憐鍾漏之餘文摘白雪
之辭韻中黃鍾之律幽懷破散穆如負日之溫病目驚窺
綯若瞻雲之爛莫馳慶謁第激勸棕

回趙倅賀冬

老將及耄不知歲月之迂性不便書莫致寒溫之問屬時
君子應彙性之吉但有野人分芹獻之心茲蓋伏遇某官
利器沉香潛聲韞炳煥肺髮扶桑之日本自於天來濯足
滄浪之淵尚從於地挂屈臨邦屏分布郡條眷言一介之
餘光賁五雲之妙誦言穆若殆仁風揚紈扇之間玉色皎
如正落月滿屋梁之上

回平江趙倅賀冬

璿璣觀象仰古星昂之中鍾律遵導和俯驗泉萌之動順
履一陽之復茂膺五福之綏共惟某官喬嶽儲靈猗蘭毓
秀鬱鬱五陵之氣尽隆準之子孫落落万人之英豈重瞳
之苗裔義久畫泰天統乘軋出逢熙洽之辰坐擁鴻厓之
社敢圖眷獎尚軫衰遲來日無多猶仗一戈之卻溺灰欲
死詎堪六館之吹

回兩倅賀冬

星東壁而昏中日北陸而短至蜀方羣陰作沴之始已兆
三陽交泰之期共惟某官心平而行高才全而德巨鳴中
律呂自可吹生煥谷之中語帶煙雲因應紀瑞魯臺之上
齋心跼誦稽首拜嘉穰如抱冰有挾纊之温恍若覆盆委
分光之照其為欣幸莫究頌言

回汪倅賀冬

惟宮瞻紫燎之升緹室候泉萌之動煒燁離明之旦麗鴻
解雨之恩共惟某官出逢君子之時夙蘊大賢之業密庸
婉畫千里仰成分布寬條一堂坐嘯履茲陽復茂擁神休
宣室受釐行促追鋒之召窮閭掃軌空懷賀厦之私

回沈倅賀冬

惟一寸之陰占四分之曆實陽德離潛之始繫天心顯俊
之初共惟某官德日進而又新福川增而方至豫州半刺
史素高國士之風魯國一真儒宜冠廷臣之右逢辰休顯

錫羨鴻厖鳴玉趨紫宸之朝寧有騷人之感擊鍾聲應黃
宮之律佇觀君子之亨

回無錫馮宰賀冬

一氣默運泉萌動而陽升諸福朋來茅茹連而彙進共惟
某官靖共居位悌愷宜民雉出桑間已著仁賢之治弦鳴
堂上更收清靜之功剛德浸亨蕃釐紹至撫一雷之上共
觀鳧舄之飛履七日之辰佇見龍梭之起

回晉陵黃令賀冬

日行北陸之次兆羣陰退聽之祥星占東壁之中繫盛德
光亨之始共惟某官袖牛刀之手安鸞棘之栖履茲陽復
之辰茂介朋來之福吹溺灰於欲死漑病木於垂枯豈復

小民惟祈寒之怨有同野老負愛日之暄感頌之私占言
難盡

二

紫壇之燎升方承大祭黃鍾之氣應以召太和共惟某官
種學三餘逢辰一旦雖後凋之操不改於炎涼而拔茹之
連自同於消長逮茲陽復宜與時亨當為傳說之霖起副
蒼生之望猶有趙衰之日空遺故友之思

三

斗柄北旋陰凝而涸日卓南指陽復而升共惟某官秉心
有執德之堅適變得隨時之義自臨鄉縣衆謂賢公已應
虞書三考之文更遇羲文七日之吉全和氏之璧而去何

喜如之彈貢公之冠而來自今以始

婚啓

代答婚

高門列戟久已服膺陋巷編茅重慙非偶龜筮協吉羔鴈
旅陳伏承某人大丞相之家典刑故在而某從女孫老書
生之子蚕織粗更異日相望風馬不交於齊楚餘生何幸
門墻遂接於朱陳

季益弟女回定包中大啓

三星照戶之光已 婚姻之候九里漸河之潤實繫勳閥
之高伏承某官一鄉之月旦所推大父之風流未遠而某
姪女遂依名族以亢衰宗坦腹踞床已見出諸郎之右齊

眉舉按庶幾事君子之恭

答李氏問親 李士美丞相孫

風馬殊方相望於万里金蘭一氣遂合於兩心發弊來臨
占龜有喜伏承某官大丞相之後綽有餘風以舍弟女子
故將軍之家尚存素履世方亂矣豈無一士之可依天實
爲之庶幾百年而偕老

答董舍人問親

北際南垂迥若參辰之次東傾西應自同針芥之投夫豈
偶然適有天幸伏承某官英妙無窺園之好而某舍弟縣
丞長女素風猶映雪之餘蚕緣草木臭味之同不改風雨
晦明之度佩至言於三復固無磨玷之尤出妙句於五噫

共有相春之樂

荅王氏問親

紬書延閣蚤陪鴛鴦之聯竄迹窮閭又玷葭莩之末伏承
某人駒千里奇產萬金以某舍弟縣丞第二女方從老傳
閑機杼之工莫助尊章薦蘋蘩之祭不謂好逑之意俯循
代價之規二姓交歡敢議參軍之配一門推重孰逾阿大
之賢

荅魯氏問親

官蒯代匱奚俟齊姜之求芹藻可羞宜効野人之獻伏承
某官世冒實江左衣冠之表家聲猶魯國洙泗之餘以某
女姪固掌襲荆布而儻賤貧可以執箕帚而奉洒掃屬室

家之有願式諧鳴鳳之占繫棗脩之告虔遂獲乘龍之喜

荅張氏問親

婚姻好合亦已累年情義綢繆殆如一日固應求舊豈復
圖新伏承令嗣主簿挺鳶鵠之姿而尚棲於枳棘以某舍
弟縣丞幼女襲布荆之素而不廢於蒯菅發弊孔嘉貽書
甚寵視崔盧一時之望固已歛然締朱陳二姓之歡永為
好也

超宗求婚

賣昏久矣浸已成風頗蓋歡然莫如求舊式佇肥家之慶
敢忘脩贄之恭以某長男蚤習箕裘粗聞詩禮偶諸姑釋
壻之日亦外家求婦之時眷言啐啄之同茲益綢繆之固

抵龜不用投斧而行魯衛親親自同兄弟朱陳世世不替
昏姻度乎相依唇齒之間可以索形骸之外

強宗求婚

罄三請之勤方慙率尔悖一日之雅何既如之茲者伏承
令孫女屬當擇對之年而某小姪強宗適契有家之願命
龜獻卜執鴈告虔薦食芹之甘靡虞於按劍投斷金之利
式佇於報瓊

伯宗求婚

手足之情鍾本相求於原隰昏姻之好合茲有望於桑榆
盍申執鴈之恭永締施松之託某小姪伯宗者屬在諸姑
子姓之行而小四生者實次外家李孟之間應緣兩喜之

言奚俟三占之吉視崔盧之門戶亦何足道哉緊魯衛之
弟兄固無間然笑

介宗求婚

訪故家之矧悼既往之美追感來新之詩庶後來之有繼
更重綢繆之好盍申燕婉之求伏承令姪女宛如衛女之
賢問諸姑於淇水而某中子介宗者端若秦姬之子見舅
氏於涓陽固已託孳於葭中更欲施蘿於松上故无夫故
夫復何求新之又新當自今始

表宗求婚

仰崇墉之數仞寒溫之間缺然締高援於一言宿昔之因
審矣喜深一老光冒襄宗此者伏承總幹李士令長女近

代名臣之家本朝循吏之後儒風未泯家法仍存以某舍弟尚書第三男表宗方讀父書尚勤師範敢聯姻婭遂登通德之門屬有姓名已著繫昏之昏

宏宗求昏

雞豚同社桑梓交陰蚤締嘉姻更申舊好伏承司理宣教第四令女簪纓仕族逢掖儒家俎豆聿聞蓬麻自直以某書舍弟第四男宏宗為農為圃方續父菑學禮學詩尚親師範一言作合兩喜成和河鯉之求固慙率爾霜鍾之應厥有由然

代荅

闕夫子之墻竊有執鞭之慕掃相君之舍尚懷按劍之疑豈謂諸郎擇對之初不問下走抗塵之賤伏承令嗣學士議論獨守家法文章已有父風遇郗鑒之客若無視絡秀之家何有代匱可矣奚為食鯉之求何貺如之遂竊乘龍之喜

代荅

蚤以父兄獲預俊遊之末晚因童稚又塵姻婭之聯集盛禮於一門締交期於三世伏承某人衆謂恂恂死子弟之過而某女子自恐兢兢詒父母之懼重勤慶弊之先適契有象之願莫不代匱母廢窮閭管蒯之求可與晤言庶乎東池紵麻之漚

代求楊氏昏

一廛同井密依桑梓之陰百尺干霄迥結絲蘿之託伏承
某人汾陽臯祖魏略名家世緒相承風流如在如某者窮
鄉冷族陋巷諸生敢懷河鯉之求式佇澗蘋之采望塵瞻
若雖同楚越千里之遙傾蓋歡然遂結朱陳兩家之好

代叅政姪女回虞守子親啓

扮揄同社藪然雞犬之聞羔鴈旅庭端若駟蛩之應遂徼
一時之幸永諧兩姓之歡伏承令嗣某官襲父祖之箕裘
而家法具存以某登仕兄幼女奉尊章之樂悅而婦已
習榛栗棗脩之贄以下男女不敢過焉蘋蘩蘊藻之菜可
薦王公永爲好也

代余氏答昏

昏姻之合有初方軫楚弓之念宿昔之因未改舉欣趙璧
之歸族黨交歡里閭贊喜伏承某官勲烈名臣之世文章
後學之宗眷此春秋鼎盛之時獨見歲寒後凋之操某縣
丞弟次女復嗣奉匹之薦庶幾舉按之恭新楚之束綢繆
不替青氈之舊琴瑟之鳴和應宜同白首之歸

族妹再適為張丞繼室答昏

鄭通德之門在望竊懷附驥之榮傳孝廉之室久虛輒備
續貂之乏伏承縣丞宣教漢金章之華胄唐燕許之故家
以某云云官冷枕流門寒映雪烏夜啼而三繞眷梁木之
何依雉朝雊以雙飛屬商絃之屢叩聘婦有如孟德矐其
亦可哉擇對而得溫太真豈所望者雖重奪沉舟之守詎

敢望忘舉按之恭

荅董舍人問親

通德門四牡之路莫窺潘仞之高平輿淵二龍之鄉幸接
州閭之末俯膺大貺重以好辭曲敦久要之情永締歡盟
之固伏承令孫承務名駒千里竒產万金乃眷女孫粗閑
姆訓謂昏姻之好莫如魯衛 之同奚事姬姜
之貴

二

寒暄未接輒有意於求通聲氣所同又有慙於非偶伏承
令女巨室慶喬選擇云初而某云云陋巷諸生攀援豈敢
惟是婚姻之故殆不偶然庶諧伉儷之求永為好也

壽宗求昏

了无半面未諧窺管之因屬有片言遂契投膠之合洎辰
協吉願締華姻伏承令女婉嫻有容德門之胄而某小姪
壽宗幼孤自立衰緒之餘方申下女之求適際有家之願
自慙非偶遽參謝庭玉樹之芳猶幸同聲庶聞羸氏鳳蕭
之應

荅李氏問昏

書千佛之名夙忝父兄之契合二姓之喜又塵姻婭之聯
重勤緹騎之臨加賁囊書之寵伏承某人蚤聞學詩禮襲
弓冶之傳以某姪女孫可使拳尊章羞蘋藻之薦乃眷異
日游從之好寔為一朝附託之因粲然鴈幣之陳過形於

褒衮叢爾棗脩之贄殊異於報瓊

昏書大啓

某啓言念桑柘連陰未覺往來之阻門墻在望素欽敦睦之修願攀附之匪當賴眷憐而敢爾其人持身謹甚蹈白圭三復之言伏承其人爲德靜然具彤管踟躕之美願言託庇實白宜家雖泉水有行六義備陳於常道而秦風出贄一時蓋合於權宜輒罄微竚聆嘉命

卷末

回吳守賀冬

魯臺之望占祥嶰谷之鳴應律雖三尺之冰厚繫衆陰凝涸之時而一寸之暉長實萬寶欣榮之始恭惟某官挺生耆於出應昌期萬室連豐擁袴襦而咏千畦接軫膏刀劍而耕諸縣豐登四郊清謐恭壇展奠方迎天地之休靈室頌登行奉鬼神之對

師變未昏

崔盧大族南北海惟風馬之遼吳楚殊方東西山有洛鍾
之應實繫天合昌預人謀備磬眊詞恭陳誓幣伏承知府
中大親家令孫女高門華胄尚有餘芳而其姪孫師變窮巷
鰥生初無他技僅遠蒿依倚青松之上宜見鸞鳴丹桂之
間南容白圭三復之言偶緣過聽幸子黃金一諾之重式
佇嘉音